


Alkitab Sagan Kakanakan  
Mengenalkan

Yesaya Malihat Masa Depan



Panulis: Edward Hughes

Nang manggambar: Jonathan Hay  
Alastair Paterson

Nang manyusun: Mary-Anne S.

Nang mangartikan: Lega Pitanatal Amiani;  
Nadya Cristine Armelia br. Tumorang

Nang mamproduksi: Bible for Children  
[www.M1914.org](http://www.M1914.org)

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,  
sapanjang kada hagan di juali lagi.




Yesaya adalah saurang nabi. Gawianya adalah manyampaiakan ka urang-urang, tantang napa nang Tuhan ucapakan. Urang-urang takana kada handak mandangar napa nang ujar Tuhan, ...



Yotam



Ahas




Uzia



Hizkia



... tapi Yesaya kada suah mangaciwakan Tuhan.  
Yesaya mangajarakan Firman Tuhan salawas masa  
pamarintahan  
ampat urang  
raja nang  
babida.



Uzia



Yotam



Ahas



Hizkia



Raja Uzia mamarintah Yehuda matan kuta Yerusalem. Mulanya, Tuhan mambarkati Uzia ulih inya malakuakan napa nang bujur di hadapan Tuhan. Tapi imbah ngintu Uzia manjadi sumbang lawan ampih manaati Tuhan. Inya mandarita panyakit kusta lawan harus hidup saurangan sampai inya mati.



Raja Uzia berkuasa salawas labih dari 60 tahun. Pas inya mati, Yotam anaknya mangganti sabagai raja lawan mamarintah salawas tujuh walas tahun. Tuhan mambarkati Yotam ulih inya mandangari napa nang Tuhan ucapakan matan Yesaya lawan nabi-nabi nang lain.




Anak lakian raja Yotam adalah Ahas. Ahas baumur dua puluh tahun pas inya mulai jadi raja, lawan inya mamarintah salawas anam walas tahun di Yerusalem. Ahas kada paduli tahadap Tuhan.



Inya manyambah barhala-barhala lawan diwa-diwa palsu, lawan mamimpin banyak umat Tuhan hagan malakuakan hal nang sama. Biar Yesaya sudah mamadahinya, Ahas kada mahirauakan paringatan-paringatan matan Tuhan. Inya mati pas baumur 35 tahun.







Tuhan mambarkati raja barikutnya, Hizkia, ulih inya mambuang sabarataan barhala lawan diwa-diwa palsu, lawan baduaka Tuhan nang sabujurnya. Pas pasukan musuh manyarang Yehuda, Hizkia tahu pada pasukannya talalu lamah hagan kawa manang. Inya maminta Yesaya badua mamuhun partulungan Tuhan.



Yesaya mangirim pasan ngini ka raja. "Nginilah nang Tuhan ucapakan: Jangan takut lawan musuh-musuh ngini...Aku pacangan mangalahakan buhannya..."  
Lakas imbah ngintu, Tuhan maulah pasukan musuh babalik bulikan kada baparang

malawan Hizkia.



Biar  
urang-urang di  
sakalilingnya  
kada talalu  
mamikirakan  
Tuhan, tapi  
Yesaya  
mamikiri



Tuhan bangat. Suatu  
hari, inya mandapat  
panglihatan, kaya  
mandapat mimpi, tapi  
kada dalam kaadaan  
guring. Dalam  
panglihatan  
ngintu, Yesaya  
malihat  
kayapa  
dasyat  
lawan  
sucinya  
Tuhan.



"Siapa nang pacangan Ku  
utus?" Tuhan batakun  
dalam panglihatan ngintu.  
"Inilah aku. Utuslah aku",  
jawab Yesaya. Inya  
handak malakukan napa  
haja nang Tuhan handaki,  
lawan tulak kamana haja  
Tuhan mangutusny.



Yesaya bapikir luku Tuhan pacangan mangutus inya ka urang-urang nang ada di wadah-wadah nang jauh banar lawan urang-urang nang kada suah manganal Tuhan. Tapi kada, Tuhan kada

malakukan napa nang Yesaya pikirakan.



Tuhan baucap ka Yesaya hagan bapandir ka kaumnya saurang di nagarinya saurang. Inya harus mamparingati buhannya pada Tuhan sarik tahadap dusa-dusa buhannya.



Ada babarapa hal lain nang harus disampaikan Yesaya ka kaumnya, tantang hal-hal manakjubakan mangana saurang pambibas nang kuat lawan pacangan datang hagan manyalamati buhannya

matan dusa lawan sabarataan musuh buhannya.



Urang-urang Yahudi manyambat Urang ngini "Mesias".  
Biar buhannya maharapakan Tuhan mangutus Mesias,  
tapi banyak matan buhannya nang hidup saakan-akan


Inya kada  
pacangan suah  
datang.






Sabarataan hal nang Yesaya kisahakan  
tantang Mesias ditulisakan dalam bukunya.

Biar inya  
manulis hal-hal  
ngintu ratusan  
tahun  
sabalumnya  
hal-hal ngintu  
tarjadi,  
sabarataan  
nang Yesaya  
ucapakan  
tantang Mesias  
hudah diganapi.



Yesaya baucap pada Tuhan saurang nang pacangan mambari suatu tanda. Inya baucap,



"Lihati saurang anak dara pacangan malahirakan anak lakian lawan mangarani inya Immanuel".

Urang-urang tahu pada Yesaya bapandir manganai Mesias matan Tuhan ulih saurang binian

kada kawa manjadi saurang anak dara nang baisi anak. Jua, ngaran Immanuel baarti Tuhan basarta kita!





“Ulih hagan kita Saurang Anak dilahirakan, hagan kita Saurang Anak dibariakan; lawan pamarintahan pacangan barada di bahu-Nya. Lawan ngaran-Nya pacangandisambat Panasihat ajaib, Tuhan nang parkasa, Bapa nang kakal, Raja damai”. Yesaya yakin pada janji-janji Tuhan pacangan diganapi, inya bapandir saakan-akan hal-hal ngintu sudah tarjadi. Hal kaya ini disambat nubuat.



Yesaya bapadah pada Mesias pacangan jadi harat lawan malakuakan hal-hal nang harat. Tuhan jua mamarintahakan Yesaya hagan manyampaiakan ka urang-urang pada Mesias pacangan mandarita lawan pacangan mahadapi maut.



Yesaya merasa hiran kayapa Mesias kawa jadi harat lawan kuat banar lamah lawan tarluka. Tapi Yesaya kada mampardabatakan ngintu lawan Tuhan, inya mangulangi haja napa nang Tuhan parintahakan hagan disampaiakan. Tuhan nang pacangan mamastiakan nubuat-Nya diganapi.



Mesias datang, kada hagan urang Yahudi haja.  
Tuhan bapandir ka Yesaya pada Mesias pacangan  
jadi "tarang hagan sabarataan bangsa asing".  
Sabarataan bangsa asing adalah sabarataan urang  
lain Yahudi di dunia. Tuhan mangasihi sabarataan  
urang, lawan Mesias pacangan datang hagan  
mambarkati satiap urang lawan mambawa  
kasalamatan sampai akhir masa.



# Yesaya Malihat Masa Depan

Sabuting kisah matan Firman Tuhan, Alkitab

Taulih dalam

Yesaya 1, 6, 7, 9, 53

"Amun tabuka, firman-firmanPian mambari pamahaman." Mazmur 119:130



Tunting





Kisah Alkitab ni memadah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan  
satiap hari! Yohanes 3:19

